

2. gr.

Lög þessi öðlast þegar gildi.

Gjört í Reykjavík 18. apríl 1979.

Kristján Eldjárn.

(L. S.)

Magnús H. Magnússon.

11. apríl 1979.

Nr. 17.

AUGLÝSING

um staðfestingu forseta Íslands á breytingu á reglugerð nr. 76 17. júní 1958,
fyrir Háskóla Íslands með áorðnum breytingum.

Forseti Íslands féllst hinn 3. apríl 1979 á tillögu menntamálaráðherra um að staðfesta eftirfarandi breytingu á reglugerð 76, 17. júní 1958, fyrir Háskóla Íslands með áorðnum breytingum.

1. gr.

Í stað 49. gr. a. I. 4. mgr. komi þrjár nýjar málsgreinar svohljóðandi:

Kennslu í öðrum greinum 1. hluta skal haga þannig, að prófum í þeim verði lokið í lok 2. námsárs. Í kennslugreinum 1.2 og 1.3 skulu vera tvö skrifleg próf í hverri grein, bæði á sama próftímabili, nema stúdent hafi áður þeytt áfangapróf í grein. Ein einkunn skal gefin fyrir hvert próf. Í fjármunarétti skulu vera tvö skrifleg próf á sama próftímabili og einkunnir tvær.

Halda skal áfangapróf í greinum 1.2 og 1.3 miðað við námsefni fyrsta árs, eins og það er hverju sinni, þegar gengið er undir próf. Ganga má undir áfangapróf á hverju þriggja próftímabili, eftir að stúdent á þess fyrst kost að þeyta slíkt próf. Gildir þetta um alla stúdenta, sem nú eru skráðir til 1. hluta náms, án tillits til innritunartíma þeirra. Áfangapróf kemur í stað annars þeirra prófa, er fyrr getur, ef stúdent hlýtur einkunnina 6.5 hið minnsta. Standist stúdent ekki áfangapróf, er honum óheimilt að þeyta það sérstaklega að nýju, en heimilt er honum að ganga undir 1. hluta próf. Standist stúdent prófið, má hann þó endurtaka það sem hluta af lokaprófi. Áfangapróf eru skrifleg, en heimilt er að leyfa stúdentum, sem innritaðir eru í lagadeild fyrir 1. júlí 1979 að ganga undir munnlegt áfangapróf, ef til kemur samþykki umsjónarkennara í kennslugrein og ósk meirihluta stúdenta, sem eiga eftir að þeyta prófið.

Lokapróf í 1. hluta skulu tekin í einu lagi að frágengnum þeim áfangaprófum, sem stúdent hefur ekki staðist og ekki óskað að endurtaka.

2. gr.

Í stað 49. gr. a. II. 2. mgr. komi þrjár nýjar málsgreinar svohljóðandi:

Kennslu í 2. hluta skal haga þannig, að náminu megi ljúka á tveimur árum. Í kennslugreinum 1.4, 1.5 og 1.6 skulu vera tvö skrifleg próf í hverri grein, bæði á sama próftímabili, nema stúdent hafi áður þeytt áfangapróf í grein. Ein einkunn skal gefin fyrir hvert próf. Í grein 1.7 skulu vera tvö skrifleg próf á sama próftímabili, og skal ein einkunn gefin fyrir hvort próf. Í prófum þessum skal reyna á sem flesta þætti í prófgreinum 1. og 2. hluta.

Halda skal áfangapróf í greinum 1.4, 1.5 og 1.6 miðuð við námsefni undanfarins árs, eins og það er hverju sinni, þegar gengið er undir próf. Stúdent má ganga undir áfangapróf á hverju þriggja próftímabili, eftir að hann á þess fyrst kost að þreyta slíkt próf. Gildir þetta um alla stúdent, sem nú eru skráðir til náms í 2. hluta án tillits til innritunartíma þeirra. Áfangapróf kemur í stað annars þeirra prófa, er fyrr getur, ef stúdent hlýtur einkunnina 6.0 hið minnsta. Standist stúdent ekki áfangapróf, má hann ekki þreyta það sérstaklega að nýju, en heimilt er honum að ganga undir 2. hluta próf. Standist stúdent prófið, má hann þó endurtaka það sem hluta af lokaprófi. Áfangapróf eru skrifleg, en heimilt er að leyfa stúdentum, sem innritaðir eru í lagadeild fyrir 1. júlí 1979 að ganga undir munnlegt áfangapróf, ef til kemur samþykki umsjónarkennara í kennslugrein og ósk meirihluta stúdenta, sem eiga eftir að ganga undir prófið.

Lokapróf í 2. hluta skulu tekin í einu lagi að frágengnum þeim áfangaprófum, sem stúdent hefur staðist og ekki óskað endurtekningar á.

3. gr.

49. gr. b. V. 2. mgr. orðist svo:

Stúdent skal ljúka prófi í almennri lögfræði ekki síðar en á því almanaksári, þegar hann hefur verið samfleytt tvö ár í deildinni. Hann skal ljúka 1. hluta prófi ekki síðar en á því almanaksári, þegar hann hefur verið samfleytt þrjú ár í deildinni og 2. hluta prófi, þegar hann hefur verið samfleytt sex ár í deildinni. Hann skal ljúka embættisprófi ekki síðar en á því almanaksári þegar hann hefur verið samfleytt átta ár í deildinni. Ef stúdent lýkur ekki prófum samkvæmt framanskráðu ber að taka nafn hans af skrá yfir nemendur lagadeildar. Lagadeild getur veitt undanþágur frá ákvæðum þessarar málsgreinar, ef veikindi eða svipaðar vítaleysis-ástæður koma til.

4. gr.

49. gr. b. VI. 1. mgr. orðist svo:

Próf. Próf í almennri lögfræði, áfangapróf og lokapróf í 1., 2. og 3. hluta skal halda í maí og september. Önnur próf skal halda eftir ákvörðun deildar hverju sinni.

5. gr.

Ákvæði 1., 2. og 4. gr. tillagna þessara öðlast strax gildi. Ákvæði 3. gr. tekur gildi um þá stúdent, sem skráðir eru til laganáms eftir 1. júlí 1979.

Ákvæði til bráðabirgða.

- I. Stúdentar skráðir í lagadeild á árinu 1975 og fyrr skulu þreyta munnlegt og skriflegt lokapróf í kennslugreinum, sem þeir hafa eigi lokið áfangaprófum í. Þessi tilhögun gildir til haustprófa 1980.
- II. Stúdentum í 2. hluta, sem ekki hafa þreytt áfangapróf, en reynt hafa við lokapróf og ekki staðist það eða gengið frá því, er heimilt að þreyta áfangapróf samkvæmt 2. og 4. gr.

Menntamálaráðuneytið, 11. apríl 1979.

Ragnar Arnalds.

Birgir Thorlacius.